



**Jubilæum Sæculare Ecclesiæ Catholicæ Per Septendecim
Sæcula Militantis & Triumphantis Contra Idololatriam,
tyrannos, hæreses, schismata, errores, & scandala**

Per Septendecim Sæcula Militantis & Triumphantis Contra Idololatriam,
tyrannos, hæreses, schismata, errores, & scandala ; Ex Annalibus
Ecclesiasticis collectum Pro Xenio Oblatum Academicæ Sodalitati
Dominorum B. Mariæ Virginis Annunciatæ Herbipoli, Anno ...

Herbipoli, 1699

Decas VII. Ab anno 460. ad annum 470.

[urn:nbn:de:hbz:466:1-64743](https://nbn-resolving.org/urn:nbn:de:hbz:466:1-64743)

Ecclesia Constantinopolitana hoc anno nobilissimo cœnobio aucta est Monachorum Acæmetarum, hoc est insomnium, qui diu noctuque tripartito tempore sibi succedentes, Deo laudes continuas personabant, novi autem hujus Cænobii incolæ vocati sunt studitæ, a studio viro clarissimo, qui fuit ejus Monasterii fundator, qui Constantinopolim cum bonis suis Româ migravit, postquam ibi consulatum ante aliquot annos gessit.

✱(460.)✱ Simeon Stylita orbis miraculum, quem Marcianus Imperator sæpius privato habitu visitavit, migrat ex hac vita & Sicut Elias quondam Elisæo suum pallium sic Simeon Danieli suum cucullum & Spiritum reliquit, qui & ipse altam quandam columnam ad ostia Ponti haud procul à finibus Constantinopolitanæ urbis constructam ascendit, Deo plurimis ingentibusq; signis ac miraculis propositum hoc per multos annos comprobante.



DECA S VII.

✱ *Ab anno 460. ad annum 470.* ✱

461. **M**Ajorianus fraude Severi Ariani, cui nimium fidebat, necatur, qui etiam Imperium invasit. Mo-

Moritur S. Leo Papa, qui ob excellentem virtutem & doctrinam, ac vigilantissimum in curia pastorali studium cognomento Magnus appellari meruit. Inter cætera ejus vitæ acta narratur cum aliquando dubitaretur à quibusdam Græcis de virtute Brandeorum, quæ apponi soleant ad Apostolorum corpora, Leonem ejusmodi Brandeum unum forcibus incidisse, & ex ipsa incisione sanguinem effluxisse; Erant autem Brandea vela quædam seu sudaria, quæ supra SS. Apostolorum Petri & Pauli sepulchrum posita à fidelibus, ita imbuebantur virtute divinâ, ut etiam pondere auferrentur, tantæque per ea virtutes fierent, quantæ ferè per ipsa corpora sanctorum.

Refertur & illud de S. Leone, cum peracto quadraginta dierum jejunio ad sepulchrum S. Petri orâisset pro remissione suorum peccatorum, divinitus revelationem obtinuisse omnia peccata remissa esse, intellige non tantum quoad culpam, sed quoad poenam etiam, præter peccatum sive poenam quam promeritus esset per impositionem manuum factam indignis qui ab eo ad ordines promoti sunt.

Rejicitur autem merito illa garrularum vularum potius fabella, quàm fide digna historia
quam

quam recentiores nonnulli pro veritate vendunt, quod cum formosa quaedam mulier eum esset osculata unde ille humani quid passus esset, ipse sibi dexteram manum amputaverit, quam Beatissima virgo eidem restituerit, hæc fabella quovis Christiano multo magis tam sancto Pontifice indigna prorsus inter aniles nugas rejicienda est.

Præter alia quæ laudabiliter S. Leo instituit, sepulchris Apostolorum custodes ex Clero adhibuit, quos cubicularios appellavit, quos nos modo Capellanos dicimus, idem enim apud antiquos fuit cubiculum quod capella.

Leoni defuncto Hilarius successit natione Sarduus patre Crispino genitus, qui mox Nestorianos & Evtychianos hæreticos damnavit & tres œcumenicas synodos Nicænam, Ephesinam & Chalcedonensem confirmavit.

✽(462.)✽ Leo Imperator sæpe visitat devotionis causâ Daniele stylytam, & precibus ejus impetrat ex Verina conjugis filium, qui tamen Ariadnæ Sororis Verinæ, postea factæ uxoris Zenonis, invidia & fraudibus brevi è vivis sublatus est.

Constantinopoli pictor quidam, volens Christum depingere in forma & habitu Jovis sensit manum aridam, facinus autem confessus à Gennadio Episcopo sanatus est.

✽(463.)✽ Hoc anno qui fuit Leonis Imperatoris septimus ossa S. Elisæi Prophetæ à Palæstinâ Alexandriam translata sunt.

✽(464.)✽ Euricus sive Evarix frater Theodorici Gothorum Regis, post fratricidium, quo Theodoricum sustulit infestissimis armis grassatur in Galliâ & Hispania sub hoc Gothi legum suarum instituta in scripto habere cœperunt, cum antea solâ consuetudine tenerentur.

✽(465.)✽ Ingens incendium à Daniele stylita prædictum urbem Constantinopolim exustis multis sacris & profanis ædificiis & magna hominum multitudine flammis pereunte, miserum in modum devastat. Evagrius tradit ignem per triduum integrum à malo dæmone in habitu mulieris, quæ victum manibus quæriraret, circumcursante immissum esse: quo tempore Basilica Anastasia à S. Marciano Oeconomo non ita pridem crecta, ingenti miraculo conservata est, precibus ejusdem Marciani sacro accepto Evangelii codice mediis in flammis orantis.

In Occidente Severus Imperator dolo Ricimeris Gothi Ariani potentissimi magistri militum Romæ in palatio veneno peremptus est; quæ crebra mutatio Augusto.

gustorum fuit valde noxia Imperio, Wandalis interregni occasione multò audaciùs grassantibus.

✽(466.)✽ Cum Ardaburus potentissimus Dux Arianus militem quendam, è Coenobio Acœmetarum vi extrahere tentaret, qui ad hoc ab eo missi erant, fulguribus ex imagine Crucis Christi fulgentissimæ, igneque circumdatæ quæ in fastigio monasterii, eminebat, procedentibus, mirabiliter repulsi sunt, & ostensum magno periculo ecclesiæ immunitatem violari. Occasione hujus miraculi factum est, ut Leo Imperator amplissimam sanctionem ediderit pro immunitate Ecclesiæ, quæ etiam antiquata est lex illa, quæ jubebat ut Episcopi, si tradere nollent confugientes ad ecclesias, debita solverent creditoribus, quibus transfugæ obligabantur.

✽(467.)✽ Inter Leonem Imperatorem & Ricimerem Patricium magistrum militiæ transactum est hoc anno, ut Græcus Augustus mitteretur Romam cujus filius Ricimer duceret uxorem. Delectus ergo Anthemius Junior filius Anthemii Senioris Procopii nepos; qui Romam venit tum gravi peste laborantem, quæ tamen ipse sæviorem pestem invexit, scilicet

cet hæreticos Macedonianos sibi familiaritate conjunctos, qui continuò miscere cuncta, & conventicula seorsim agere inceperunt, quibus fortissimè Hilarius se opposuit, magis Deo, quam Imperatori placere sollicitus.

S. Hilarius migrat ex hac vita, de cujus munificentia in Ecclesiam multa in actis Pontificum ab Anastasio annotatis, ut liquidum fiat omnibus, quantæ divitiæ argenti, auri, & gemmarum hoc tempore fuerint in Ecclesia. Successit S. Hilario Simplicius Patriâ Tiburtinus Cassini filius.

(468.) Leo ingentem classem instruit adversus Wandalos, ex mille & centum navibus, exercitum item terrestrem ex hominum centum millibus quibus copiis cum Leo Basiliscum Verinæ conjugis fratrem Eutylianæ hæresis sectatorem præfecisset, ejus socordiâ & turpissimâ prodicione factum est, ut copię penitus consumptæ & tota classis incensa fuerit. Et quidem hæc à Basilisco facta in gratiam Ardaburii & Asparis potentissimorum Ducum, natione Gothorum, cum quibus convenit, ut iidem Duces Basilisco Imperium conferrent, (quod implere nequiverunt, si ex sententia Leonis res prospere evenissent) ipse verò Basiliscus eis
Aria-

Arianam perfidiam, qua infecti erant, propagare permetteret. Cujus etiam rei causa iidem barbari duces, Genserico Wandalorum Regi pariter Ariano semper occultè patrocinati fuerant.

Quam perfidiâ hæreticorum Ducum; sinistra res bellica acta est, tam dextrè cecidè. reeventus belli ex altera parte, Duce Catholico contra Densicem Hunnorum Regem & fratrem Attali, ipso Attalo crudelitate haud quaquam inferiorem, fideliter & fortiter præliante & superante, cujus abscissum caput Constantinopolim magnâ gloriâ omniumque lætitiâ delatum fuit.

✽(469.)✽ Leo Asparis filium Cæsarem denominat, hac simulatâ benevolentia occasionem nactus ultionem sumendi de Aspare & Arduburio.

Populus autem Constantinopolitanus, quòd timeret jugo Ariani Imperatoris iterum subiici cum Episcopis & Monachis se opponit. Quàm ob causam ipse S. Marcellus Accemetarum Archimandrita magna populi caterva, & Angelo habitu splendidissimi & altissimi cujusdam adolescentis comitante Imperatorem adiit, & obtestatus est eum ut Catholicus Cæsar crearetur.

✽(470.)✽ Aspar Patriciorum primus,
cum

cum filio Ardaburio Patricio & Patrocio-
lo etiam filio Cæsare & genero Leonis
Spadonum ensibus vulneratus in palatio
periit. Alii volunt fugisse Chalcedonem
in Ecclesiam S. Euphemix, unde pollici-
tatione vitæ retracti & Leonis adhibiti
mensæ, Aspar & Ardaburius interfecti,
Patrociolus autem in exilium missus sit.
Ferunt Ardaburium viso patris cæsi capite
de eo questum esse quod aures oclulif-
set rectè monenti filio & sæpius iteranti,
*Prius Leonem devoremus quam ille nos sibi in
prandio apponat.* Ex qua cæde Leo dictus
est *Macelles* sive interfector & impleta est
quæ S. Marcello divinitus facta est Visio
Leonis & Draconis pugnantium, in quâ
pugnâ victus tandem Draco occubisset.

Zeno Isauricus Exconsul Romanus post
hæc ducit uxorem Ariadnam filiam Leo-
nis quæ desponsata fuit Patrocio.



DECAS VIII.

✽ A 470. ad 480. ✽

471. **G**ennadius Episcopus Constanti-
* nopolitanus ex hac vita discedit,
cum non diu ante obitum Dæmoniacum
aliquod spectrum noctu in ecclesia oranti
appa-